

GJYKATA E QARKUT NË PEJË

P.nr. 329/11

Dt. 29 Mars 2012

NË EMËR TË POPULLIT

GJYKATA E QARKUT NË PEJË, me trupin gjykues të përbërë nga gjyqtari i EULEX-it Dariusz Sielicki si Kryetar i trupit gjykues, Gjyqtari i EULEX-it Malcolm Simmons dhe Gjyqtari vendor Gezim Pozhegu si anëtarë të trupit gjykues, të ndihmuar nga ana e procesmbajtësit Joseph Hollerhead, në rastin penal kundër të akuzuarve:

- ISUF IDRIZAJ, i biri i babait Skënder dhe nënës Shukrije, i lindur me datë 27 Shtator 1979 në fshatin Kodrali të komunës së Decanit, i martuar, shkolla e mesme e përfunduar, i gjendjes së varfër ekonomike, Shqiptar i Kosovës, në paraburgim që nga data 13 Qershor 2010 deri me datë 08 Dhjetor 2011 dhe në arrest shtëpiak që andej e tutje.
- DERVISH IDRIZAJ, i biri i Skënderit, i lindur me datë 04 Maj në Decan, me vendbanim në fshatin Kodrali të komunës së Decanit, Shqiptar i Kosovës, në paraburgim që nga data 14 Dhjetor 2010 e këndej, dhe
- BEDRI KRASNIQI, i biri i Nezirit, i lindur me datë 10 Shtator 1979, në fshatin Turjakë të komunës së Pejës ku edhe banon, Shqiptar i Kosovës, në paraburgim që nga data 17 Dhjetor 2010,

Të akuzuar me Aktakuzën e Prokurorit Publik të Qarkut të EULEX-it në Pejë, PP.nr. 217/10, të datës 09 Qershor 2011, me veprat penale *Vrasje në Tentativë* në kundërshtim me nenin 146, në lidhshmëri me Nenet 20 dhe 23 të KPK-së si edhe kundër Dervish Idrizajt dhe Bedri Krasniqit, vetëm; *Vrasje e Rëndë në Tentativë* në kundërshtim me Nenin 147, pikat 4 dhe 9 në lidhshmëri me Nenin 20 dhe 23 të KPK-së, sikurse kundër tre të pandehurve,

Pas mbajtjes së shqyrtimeve kryesore të hapura për publik me datat 05, 06, 07, 08 Dhjetor 2011, 17 dhe 18 Janar 2012, dhe 13, 20 dhe 28 Mars 2012, në prani të;

- I akuzuari Z. Isuf IDRIZAJ dhe avokati i tij mbrojtës Z. Gezim KOLLCAKU;
- I akuzuari Z. Dervish IDRIZAJ dhe avokati i tij mbrojtës Z. Gezim BALOKU;
- I akuzuari Z. Bedri KRASNIQI dhe avokatët e tij mbrojtës Z. Klaus KIRCHNER dhe Z. Ragip RADONIQI;
- Prokurori Publik Z. Peter KORNECK,
- Palët e dëmtuara Valon ZUKAJ dhe Arlis ZUKAJ, prezent me 05 dhe 07 Dhjetor 2011
- Përfaqësuesja ligjore e caktuar sipas detyrës zyrtare për palën e dëmtuar Arlis ZUKAJ, Zn. Hamijete MIFTARI;

Pas këshillimit dhe votimit të trupit gjykues të mbajtur me datë 28 dhe 29 Mars 2012, duke u bazuar në Nenin 391, paragrafi 1 i KPPK-së;

Me datë 29 Mars 2012, sipas Nenit 392, paragrafi 1 i KPPK-së, shpall publikisht si në vijim

AKTGJYKIM

Nën pikën 1

Sipas Nenit 390 par. 1 pika 3 të KPPK-së, i akuzuari BEDRI KRASNIQI,

LIROHET

Nga kryerja e veprës penale të *Vrasjes në Tentativë* sipas Nenit 146, në lidhshmëri me Nenin 20 dhe 23 të KPK-së, sepse nuk është vërtetuar përtej dyshimit të arsyeshëm se i akuzuari ka kryer veprën me të cilën është akuzuar në aktakuzë.

* * *

I pandehuri DERVISH IDRIZAJ është

GJETUR FAJTOR

Sepse me datë 23 Shtator 2009, rreth orës 18:50, në Decan, me armën e tij të nxjerrë, i është afruar palës së dëmtuar Valon Zukaj, para Supermarketit "Tropikana" ku ishte mbledhur një numër i madh i njerëzve. Valon Zukaj ka gjuajtur një herë në mbrojtje të nevojshme duke e qëlluar Dervish Idrizajn në qafë. Pastaj Dervish Idrizaj ka gjuajtur dy herë nga pistoletë 9mm e një tipi të panjohur në drejtim të Supermarketit "Tropikana" në të cilën kishte ikur Valon Zukaj.

- Me çka Dervish Idrizaj ka kryer veprën penale të *Shkaktimit të Rrezikut të Përgjithshëm* në një vend ku një numër i madh njerëzish ishin mbledhur, sipas Nenit 291, paragrafët 1 dhe 3 të KPK-së, kështu duke ri-kualifikuar akuzën origjinale të *Vrasjes në tentativë* sipas Nenit 146 në lidhshmëri me Nenin 20 të KPK-së.

Nën pikën 2

Sipas Nenit 390, paragrafi 1, pika 3 e KPPK-së, të pandehurit ISUF IDRIZAJ, DERVISH IDRIZAJ dhe BEDRI KRASNIQI;

LIROHEN

Nga kryerja e veprës penale të *Vrasjes së Rëndë në Tentativë* sipas Nenit 147, pikat 4 dhe 9 në lidhshmëri me Nenet 20 dhe 23 të KPK-së, sepse nuk është vërtetuar përtej dyshimit të arsyeshëm se të akuzuarit e kanë kryer veprën me të cilën janë akuzuar në Aktakuzë.

Andaj, sipas dispozitave të Neneve: 6, 11, 15, 31, 32, 33, 34, 38, 64 par 1 dhe 2, 65 par 1, 73 par 1, 99 par 1, Neni 146 në lidhshmëri me Nenin 20 të KPK-së dhe Nenet 99 par 1, 2 pikat 2, 3, 5, 6, 102 par. 1, 328 par 1, 385 par. 1 dhe 2, 386 par 2, 387 par 1 dhe 2, 391 dhe 392 të KPPK-së,

I akuzuari, Dervish IDRIZAJ,

DËNOHET

Me 5 (pesë) vite burgim

Koha e kaluar në paraburgim nga i pandehuri do të llogaritet në dënim, sipas Nenit 391, paragrafi 1, nën-paragrafi 5 i KPPK-së.

Shpenzimet e procedurave penale në lidhje me veprat penale për të cilat të akuzuarit janë liruar do të paguhet nga buxheti, sipas Nenit 102, paragrafi 2 i KPPK-së.

Shpenzimet e procedurave penale në lidhje me veprat penale për të cilat të akuzuarit janë gjetur fajtorë, do të kompensohen nga ana e të akuzuarve në shumë prej 500 € dhe 100 €, për shumatat e përcaktuara, sipas Nenit 102, paragrafi 1 në lidhshmëri me Nenin 99 paragrafi 2 nën-paragrafi 6 të KPPK-së.


GJYKATA E QARKUT NË PEJË

P.nr.329/11

E datës 29 Mars 2012

Procesmbajtës

Joseph Hollerhead



Kryetar i trupit gjykues

Dariusz Sielicki

Këshilla ligjore:

Ankesa duhet që të parashtrohet brenda 8 ditësh nga shpallja e këtij aktgjykimi dhe duhet që të parashtrohet me gjykatën e shkallës së parë, sipas Nenit 400, paragrafi 1 i KPPK-së.

Personat e autorizuar mund të parashtrojnë ankesë me shkrim kundër këtij aktgjykimi përmes Gjykatës së Qarkut në Pejë për Gjykatën Supreme të Kosovës, brenda pesëmbëdhjetë ditësh nga data kur kopja e aktgjykimit është shërbyer, sipas nenit 398, paragrafi 1 i KPPK-së.